

Վ. Պետրոսյան

ԱՐՏԱԴՐՈՂԱԿԱՆ ԱՇԽԱՏԱՆՔԻ ՀԱՍԿԱՑՈՂՈՒԹՅԱՆ ՄԱՍԻՆ

Աշխատանքը մի պրոցես է մարդու ու բնության միջև, որի բնթացքում մարդն իր գործունեությամբ վերափոխում և յուրացնում է բնության բարիքները: Աշխատանքի պարզ պրոցեսի տեսակետից դիտած, արտադրողական աշխատանքը հանդես է գալիս որպես սպառողական արժեք արտադրող աշխատանքի՝ թեթև ամբողջ պրոցեսը քննենք նրա հետևանքի— արդյունքի տեսակետից, ապա թե՛ աշխատանքի միջոցը և թե՛ աշխատանքի առարկան, երկուսն էլ հանդես են գալիս որպես արտադրամիջոցներ, իսկ ինքը աշխատանքը՝ որպես արտադրողական աշխատանք¹:

Աշխատանքը որպես այդպիսին, որպես մարդկային կյանքի պայման, հատուկ է արտադրության բոլոր եղանակներին: Արտադրողական աշխատանքի արդյունքը՝ հասարակական պրոդուկտն է: Հասարակական պրոդուկտը ստեղծվում է նյութական արտադրության ոլորտում: Ոչ նյութական արտադրության ոլորտում հասարակական պրոդուկտ չի ստեղծվում:

Արտադրողական աշխատանքի արդյունքներն իրենց ճնշող մեծամասնությամբ հանդես են գալիս իրերի ձևով: Սակայն աշխատանքի արդյունքների իրային ձևը չի սպառում արտադրողական աշխատանքի հասկացողությունը: Ենթադրյալն ունեն արտադրության առանձին ճյուղեր, որտեղ արտադրողական աշխատանքի արդյունքը նյութական նոր բարիք չի հանդիսանում: Այդ ճյուղերին առաջին հերթին պատկանում է տրանսպորտային արդյունաբերությունը: Միաժամանակ, ոչ նյութական արտադրության ոլորտի ճյուղերի արդյունքները հաճախ հանդես են գալիս իրերի ձևով, ինչպես, օրինակ, նկարը, ֆանդակը և այլն: Այդ իսկ պատճառով արտադրողական աշխատանքի արդյունքների իրային ձևը չի կարող լինել արտադրողական և անարտադրողական աշխատանքի սահմանազատման չափանիշ: Արտադրողական աշխատանքի չափանիշը մարդու և բնության հարաբերությունն է՝ նյութական բարիքների արտադրության պրոցեսում:

Ամեն մի հասարակարգում արտադրողական աշխատանքը հանդես է գալիս իր կոնկրետ ձևով, որի բովանդակությունը կանխորոշվում է արտադրության տվյալ եղանակի հիմնական տնտեսական օրենքով: Հենց այդ պատճառով արտադրողական աշխատանքի որոշումը, որը ստացվում է աշխատանքի պարզ պրոցեսի տեսակետից՝ անբավարար է ինչպես արտադրության կապիտալիստական, այնպես էլ սոցիալիստական պրոցեսի համար: «Արտադրողական աշխատանքի այդ սահմանումը, որ աշխատանքի պարզ պրոցեսի տեսակետից է ստացվում, բոլորովին բավական չէ արտադրության կապիտալիստական պրոցեսի համար»:

¹ Կ. Մարտ, Կապիտալ, հատ. 1, էջ 192:

² Նույն տեղում:

Արտագրողական աշխատանքի հասկացողությունը կապիտալիստական իմաստով, որպես տնտեսական կատեգորիա, իր մեջ ընդգրկում է նաև կապիտալիստական արտադրական հարարերությունների կարևորագույն դժերը։ Կապիտալիստական հասարակարդում արտագրողական աշխատանքի հասկացողությունը արտահայտում է հավելյալ արժեքի արտադրությունը։ Արտագրության կապիտալիստական եղանակը հենվում է այդ տիպի արտագրողական աշխատանքի վրա։

Կապիտալիստական արտադրությունն, ըստ էության, հավելյալ արժեքի արտադրություն է։ Կապիտալիստը կազմակերպում է արտադրություն ոչ թե սպառողական արժեք, այլ հավելյալ արժեք արտադրելու համար։ Այդ պատճառով, կապիտալիստական իմաստով, արտագրողական աշխատանքը վարձու այն աշխատանքն է, որը փոխվում է փոփոխական կապիտալի հետ և ստեղծում հավելյալ արժեք։ Եթե աշխատանքը չի ստեղծում հավելյալ արժեք, ապա կախ նրա կոնկրետ արդյունքներից, կապիտալիստական իմաստով արտագրողական աշխատանք չի հանդիսանում։ Արտագրողական աշխատանքի հասկացողությունը կապիտալիստական իմաստով որոշվում է ոչ թե արտագրության պրոցեսի նյութական ձևով՝ աշխատանքի արդյունքով, այլ կապիտալիստական արտադրական հարարերությունների հատուկ ձևով, որի ընթացքում տեղի է ունենում արտագրողական աշխատանքի պրոցեսը։ Աշխատանքի արդյունքների առարկայական ձևերի դանադանությունը ոչ մի կապ չունի արտագրողական և անարտագրողական աշխատանքի միջև եղած տարրերության հետ։ Եթե կապիտալիստը գնում է աշխատուժր, կազմակերպում է արտադրություն և ստանում է շահույթ, այդ դեպքում աշխատանքը նրա համար արտագրողական է։ Եթե կապիտալիստը նույն բանվորի աշխատուժր գնում է որպես սպառող՝ իր անձնական կարիքները բավարարելու համար, ապա բանվորի աշխատանքն հանդիսանում է անարտագրողական։ Այսպիսով, կապիտալիստական հասարակարդում արտագրողական է միայն այն աշխատանքը, որն ստեղծում է հավելյալ արժեք։

Արտադրության կապիտալիստական եղանակը մի կողմից ընդլայնում է արտագրողական աշխատանքի հասկացողությունը, իսկ մյուս կողմից սահմանափակում է այն։ Արտադրության հանրայնացմանը զուգընթաց՝ գնալով ավելի մեծ թվով ու բազմազան պրոֆեսիաների բանվորներ են ներգրավվում կապիտալիստական արտադրության մեջ։ Բայց քանի որ արտադրության կապիտալիստական եղանակի նպատակն է հավելյալ արժեքը արտագրողական է հանդիսանում միայն հավելյալ արժեք ստեղծող աշխատանքը։ Արտագրողական աշխատանքի հասկացողության այդ հակասությունն էլ ավելի է ուժեղանում մոնոպոլիստական կապիտալիզմի շրջանում։ Ժամանակակից կապիտալիզմը չի կարող բավարարվել միջին շահույթով և նույնիսկ դերձահույթով։ Իմպերիալիզմը պահանջում է կապիտալիստական առավելագույն շահույթը։ Կապիտալիստական առավելագույն շահույթը հանդիսանում է մոնոպոլիստական կապիտալիզմի շարժիչ ուժը։ Միայն կապիտալիստական առավելագույն շահույթի առկայության դեպքում կարող է տեղի ունենալ շատ թե քիչ կանոնավոր ընդլայնված վերարտադրություն։ Իսկ նշանակում է, որ կապիտալիզմն իր բարձրագույն ստադիայում կարող է հենվել միայն կապիտալիստական առավելագույն շահույթի արտադրության վրա։ Կապիտալիստական առավելագույն շահույթը ստեղծվում է ավելի բազ-

մաղան, պրոֆեսիաների բանավորների աշխատանքով: Բայց, քանի որ ժամանակակից կապիտալիզմի նպատակը հանդիսանում է կապիտալիստական առավելագույն շահույթի արտագրությունը, ապա արտագրողական աշխատանքի հասկացողությունը սահմանափակվում է, արտագրողական է հաշվվում միայն կապիտալիստական առավելագույն շահույթ ստեղծող աշխատանքը: Ինքնըստինքյան հասկանալի է, որ կապիտալիստական առավելագույն շահույթի արտագրությունը որպես արտագրողական աշխատանքի չափանիշ, չի կարելի կիրառել կապիտալիստական ձեռնարկություններում զրադիված բոլոր բանավորների նկատմամբ. առհասարակ, կապիտալիզմի պայմաններում, ամեն մի բնդհանուր օրենք գործում է վերին աստիճանի այլակերպված ու մոտավոր ձևով:

Այսպիսով, արտագրողական աշխատանքի հասկացողությունը կապիտալիստական իմաստով իր մեջ ընդգրկում է 1) Հավելյալ արժեքի արտագրությունը, 2) Նյութական բարիքների արտագրությունը, որպես հավելյալ արժեքի արտագրության պայման: Ընդ որում, արտագրողական աշխատանքի գլխավոր հատկանշական դիժը կապիտալիզմի պայմաններում հանդիսանում է հավելյալ արժեքի արտագրությունը: «Դանի որ կապիտալիստական արտագրության անմիջական նպատակը և բուն արդյունքը հավելյալ արժեքն է, ապա միայն այն աշխատանքն է արտագրողական, որն ստեղծում է անմիջական հավելյալ արժեք...»¹: Այդ նշանակում է, որ արտագրողական աշխատանքի հասկացողությունը բնորոշելիս անհրաժեշտ է ելնել արտագրության տվյալ եղանակի նպատակից ու հիմնական տնտեսական օրենքից: Արտագրողական աշխատանքի չափանիշը կապիտալիստական և սոցիալիստական հասարակարգում կարող է լինել միայն արտագրության նպատակը: Եթե աշխատանքը որպես այդպիսին համապատասխանում է արտագրության նպատակին, ապա նա տվյալ հասարակարգի պայմաններում հանդիսանում է արտագրողական աշխատանք և ընդհակառակը:

Սոցիալիստական հասարակարգում արտագրողական աշխատանքը ձեռք է բերում նոր բնորոշ գծեր, որոնք հատուկ են միայն արտագրության սոցիալիստական եղանակին: Անկախ դրանից, սոցիալիստական արտագրությունը նույնպես բաժանվում է նյութական և ոչ նյութական արտագրության ոլորտների, իսկ աշխատանքը արտագրողականի ու անարտագրողականի: Մակայն ՄՄԽ-ում ամբողջ աշխատանքը հանդես է գալիս անհրաժեշտ աշխատանքի ձևով: Բայց չի կարելի շփոթել անհրաժեշտ և արտագրողական աշխատանքը. դրանք միանգամայն տարբեր բաներ են:

Սոցիալիզմի հաղթանակով արմատականորեն փոխվում է հասարակական արտագրության ոլորտների հարաբերությունը: Գնալով ավելանում է արտագրողական աշխատանքով զրադիվողների թիվը: Դրան հակառակ, կապիտալիստական երկրներում անընդհատ աճում է անարտագրողական աշխատանքով զրադիվողների թիվը. ուժճանում են զինված ուժերը, բռնադատը և այլն: ԱՄՆ-ում, եթե անարտագրողական աշխատանքով զրադիվածների տեսակարար կշիռը ամբողջ աշխատունակ բնակչության թվի մեջ 1910 թ. կազմում էր 24,9 տոկոս, ապա 1920 թ.՝ 27,9 տոկոս, 1930 թ.՝ 34,4 տոկոս

¹ Архив Маркса и Энгельса, том II (VII), стр. 127.

և 1950 թ.՝ 42 տոկոս: Այդ նույն բանի մասին է խոսում նաև ռազմական ծախսերի տեսակարար կշռի ավելացումը կապիտալիստական երկրների ազգային եկամուտում: Եթե ռազմական ծախսերի տեսակարար կշռը ԱՄՆ-ի ազգային եկամուտում 1937 - 38 ընդհանուր տարում կազմում էր 1,5 տոկոս, ապա 1952—53 ընդհանուր տարում ավելի քան 21,0 տոկոսը: Արտադրողական աշխատանքով զբաղվածների տեսակարար կշռի կրթ-ճատումը ուղեկցվում է շահագործման նորմայի չտեսնված աճով: ԱՄՆ-ում շահագործման նորման 1947—1950 թթ. ընթացքում աճել է ավելի քան 73 տոկոսով: Դրա հետևանքով, հնարավոր առաջնորդական աշխատանքով զբաղվածների թվի տեսակարար կշռի ու բացարձակ թվի կրճատմանը՝ կապիտալիստական մոնոպոլիաների շահույթներն աճում են ահեղ չափերով և շատ անգամ զերազանցում են բնակչության ավելացման տեմպերին: Այսպես, եթե ԱՄՆ-ում 1938—1949 թթ. բնակչությունն աճել է 15 տոկոսով, ապա կապիտալիստների շահույթները՝ 8,2 անգամ:

Սոցիալիզմի պայմաններում ոչ նյութական արտադրութայն ոլորտում կատարվող աշխատանքը ակտիվորեն նպաստում է ազգային եկամուտի աճին: Անվիճելի է այն գրույթը, որի համաձայն որքան բարձր է բանվորների տեխնիկական ու կուլտուրական մակարդակը, այնքան բարձր է աշխատանքի արտադրողականությունը, այնքան շատ նյութական բարիքներ են արտադրվում:

Սոցիալիստական հասարակարգում արտադրողական աշխատանքի ընդլայնումը կարելի է հասկանալ՝ ելնելով միայն սոցիալիզմի հիմնական տնտեսական օրենքից: Սոցիալիստական արտադրութայն նպատակը հասարակութայն անդամների նյութական ու կուլտուրական պահանջմունքների առավելագույն բավարարումն է: Այդ իսկ պատճառով ՍՍՌՄ-ում արտադրողական աշխատանքի հասկացողությունն իր մեջ ընդգրկում է 1) արտադրութայն սոցիալիստական եղանակի նպատակը և 2) նյութական բարիքների արտադրությունը: Սոցիալիստական հասարակարգում արտադրողական աշխատանքը՝ նյութական արտադրութայն ոլորտում կատարվող այն աշխատանքն է, որն ապահովում է հասարակութայն անդամների անընդհատ աճող նյութական ու կուլտուրական պահանջմունքների առավելագույն բավարարումը, այն աշխատանքն է, որի վրա հենվում և օրեց-օր զարգանում է արտադրութայն սոցիալիստական եղանակը:

ՍՍՌՄ-ում հասարակութայն ինչպես նյութական, այնպես էլ կուլտուրական պահանջմունքների բավարարումը հնարավոր է ապահովել միայն սոցիալիստական արտադրութայն՝ նյութական արտադրութայն անընդհատ զարգացման ու նորագույն տեխնիկայի բազայի վրա կատարելագործման միջոցով: Որքան շատ է ազգային եկամուտը ինչպես և նրա մասը՝ զուտ եկամուտը, այնքան մեծ են հասարակութայն անդամների անընդհատ աճող նյութական ու կուլտուրական պահանջմունքների բավարարման հնարավորությունները:

* * *

Ջանադանվում է արտադրողական աշխատանքի երկու հասկացողություն. աշխատանքը որպես սպառողական արժեք արտադրող և արտադրողական աշխատանքը տարրեր հասարակարգերում: Ինչպես կապիտալիստական, այն-

պես էլ սոցիալիստական հասարակարգում արտագրողական աշխատանքի հափանիշը արտագրության նպատակն է։ Արտագրող աշխատանքի որոշումը մատնացույց է անում, թե տարրեր հասարակարգերում հանուն ինչի է կատարվում աշխատանքը, հանուն կազիտալիստական առավելագույն շահույթի, թե՞ հանուն հասարակության անդամների նյութական ու կուլտուրական պահանջմունքների առավելագույն բավարարման։ Արտագրողական աշխատանքի նպատակը մյուս գործոնների հետ միասին կանխորոշում է աշխատանքի արտագրողականությունը՝ մակարդակը տարրեր հասարակարգերում։